



Broj: 02-50-1-16-8/07

Sarajevo: 24.9.2007. godine

ZAPISNIK

8. sjednice Doma naroda

**Parlamentarne skupštine Bosne i Hercegovine,
održane 24. septembra 2007.godine**

Sjednica je počela u 11,10 sati.

Sjednicom je predsjedavao Ilija Filipović, predsjedavajući Doma naroda Parlamentarne skupštine Bosne i Hercegovine.

Sjednici je prisustvovalo 14 delegata.

Delegat Sulejman Tihić opravdao je izostanak.

Osim delegata, na sjednici Doma naroda bili su predstavnici međunarodnih organizacija i sredstava javnog informiranja.

Nakon rasprave u kojoj su učestvovali: Dušanka Majkić, Slobodan Šaraba, Hazim Rančić, Božo Rajić i Mladen Ivanić usvojen je sljedeći izmijenjeni

D N E V N I R E D

1. Odgovori na delegatska pitanja i delegatska pitanja;
2. Usvajanje zapisnika 6. i 7. sjednice Doma naroda;
3. Zahtjev Vijeća ministara BiH za razmatranje Prijedloga zakona o usvajanju Zakona o izmjenama i dopunama Zakona o krivičnom postupku BiH, po hitnom postupku u skladu s članom 122. Poslovnika Doma naroda;
4. Zahtjev Vijeća ministara BiH za razmatranje Prijedloga zakona o izmjenama Zakona o carinskoj tarifi BiH po hitnom postupku, u skladu s članom 122. Poslovnika Doma naroda;
5. Prijedlog zakona o izmjenama i dopunama Zakona o parničnom postupku pred Sudom BiH, drugo čitanje (primjena novog poslovnika)- predlagač: Vijeće ministara BiH;
6. Prijedlog zakona o izmjeni Zakona o konkurenciji BiH, drugo čitanje (primjena novog poslovnika)- predlagač: Predstavnički dom;
7. Prijedlog zakona o dopunama Zakona BiH o izvršenju krivičnih sankcija, pritvora i drugih mjera, drugo čitanje – predlagač: delegat Slobodan Šaraba (primjena novog poslovnika);
8. Prijedlog zakona o izmjeni Zakona o administrativnim taksama BiH, drugo čitanje (primjena novog poslovnika) predlagač: Vijeće ministara BiH;
9. Prijedlog zakona o izmjenama i dopunama Zakona o izmirenju obaveza po osnovu računa stare devizne štednje, drugo čitanje (primjena novog poslovnika) – predlagač: Vijeće ministara BiH;
10. Prijedlog zakona o izmjenama i dopunama Zakona o Vijeću ministara BiH, prvo čitanje (primjena starog poslovnika) – predlagač: Vijeće ministara BiH;
11. Prijedlog zakona o sportu u Bosni i Hercegovini, prvo čitanje (primjena novog poslovnika) - predlagač Vijeće ministara BiH;

12. Prijedlog zakona o zaštiti planova rasporeda integriranih kola, prvo čitanje (primjena novog poslovnika) – predlagač: Vijeće ministara BiH;
13. Prijedlog okvirnog zakona o predškolskom odgoju i obrazovanju u Bosni i Hercegovini, prvo čitanje (primjena starog poslovnika)- predlagač: Vijeće ministara BiH;
14. Prijedlog zakona o Agenciji za predškolsko, osnovno i srednje obrazovanje, prvo čitanje (primjena starog poslovnika) – predlagač: Vijeće ministara BiH;
15. Prijedlog zakona o radijacijskoj i nuklearnoj sigurnosti Bosne i Hercegovine, prvo čitanje (primjena starog poslovnika) predlagač: Vijeće ministara BiH;
16. Prijedlog zakona o izmjenama Zakona o upravnom postupku, prvo čitanje (primjena novog poslovnika) predlagač: Vijeće ministara BiH;
17. Prijedlog zakona o izmjenama i dopunama Zakona o upravnim sporovima Bosne i Hercegovine, prvo čitanje (primjena novog poslovnika) - predlagač: Vijeće ministara BiH;
18. Prijedlog zakona o besplatnoj pravnoj pomoći u građanskim stvarima, prvo čitanje (primjena novog poslovnika) – predlagač: Vijeće ministara BiH;
19. Prijedlog zakona o elektronskom pravnom i poslovnom prometu, prvo čitanje (primjena novog poslovnika) – predlagač: Vijeće ministara BiH;
20. Prijedlog zakona o izmjenama i dopunama Zakona o ministarstvima i drugim organima uprave BiH, prvo čitanje (primjena novog poslovnika) – predlagač: Vijeće ministara BiH;
21. Izvještaj o izvršenju Budžeta institucija BiH i međunarodnih obaveza BiH za 2006. godinu;
22. Razmatranje Izvještaja Ureda za reviziju institucija BiH o reviziji za 2006. godinu:

- a) Agencije za državnu službu BiH;
- b) Centralne banke BiH;
- c) Državne regulatorne komisije za električnu energiju ;
- d) Komisije za imovinske zahtjeve raseljenih lica i izbjeglica;
- e) Odbora državne službe za žalbe BiH;
- f) Agencije za rad i zapošljavanje BiH;
- g) Konkurencijskog vijeća BiH;
- h) Agencije za sigurnost hrane BiH;
- i) Arhiva BiH;
- j) Centra za uklanjanje mina BiH;
- k) Direkcije za civilno zrakoplovstvo BiH;
- l) Institucije ombudsmena za ljudska prava BiH;
- m) Agencije za javne nabavke BiH;
- n) Agencije za nadzor nad tržištem BiH;
- o) Direkcije za evropske integracije BiH;
- p) Direkcije za implementaciju projekta CIPS;
- q) Direkcije za provođenje restrukturiranja policije;
- r) Fonda za povratak BiH;
- s) Instituta za akreditiranje BiH;
- t) Parlamentarne skupštine BiH;
- u) Pravobranilaštva BiH;
- v) Suda BiH;
- w) Tužilaštva BiH;
- x) Ureda za zakonodavstvo BiH;
- y) Visokog sudskog i tužilačkog vijeća BiH;

23. Informacija Ureda za razmatranje žalbi o preduzetim aktivnostima s ciljem prevladavanja problema u radu Ureda za razmatranje žalbi primjenom važećih propisa, s prijedlogom zaključka;
24. Davanje saglasnosti za ratifikaciju Sporazuma o izmjeni i pristupanju Centralnoevropskom sporazumu o slobodnoj trgovini (CEFTA 2006); predlagač: Predsjedništvo BiH;

25. Zahtjev Predstavničkog doma za razmatranje Prijedloga zakona o primjeni Sporazuma o izmjeni i pristupanju Centralnoevropskom sporazumu o slobodnoj trgovini (CEFTA) po hitnom postupku, u skladu sa članom 122. Poslovnika Doma naroda;
26. Davanje saglasnosti za ratifikaciju Sporazuma o zračnom saobraćaju između Bosne i Hercegovine i Islamske Republike Pakistan; predlađač: Predsjedništvo BiH;
27. Davanje saglasnosti za ratifikaciju Kreditnog sporazuma između Bosne i Hercegovine i Fonda za međunarodni razvoj OPEC-a – Projekat unapređenja ruralnog preduzetništva;
28. Davanje saglasnosti za ratifikaciju Sporazuma o saradnji između Vijeća ministara BiH i Države Kuvajt u oblasti kulture, informiranja, nauke i obrazovanja; predlađač: Predsjedništvo BiH;
29. Davanje saglasnosti za ratifikaciju Sporazuma između Bosne i Hercegovine i Švicarske Konfederacije o policijskoj saradnji u borbi protiv kriminala; predlađač: Predsjedništvo BiH;
30. Davanje saglasnosti za ratifikaciju Okvirnog sporazuma između Vijeća ministara BiH i Vlade Republike Turske o saradnji na vojnim poljima obuke, tehnike i nauke; predlađač: Predsjedništvo BiH;
31. Davanje saglasnosti za ratifikaciju Ugovora o finansiranju – Projekat sanacije puteva u Federaciji BiH – između BiH i Evropske investicione banke; predlađač: Predsjedništvo BiH;
32. Davanje saglasnosti za ratifikaciju Ugovora između Bosne i Hercegovine i Republike Hrvatske o dvojnem državljanstvu; predlađač: Predsjedništvo BiH;
33. Davanje saglasnosti za ratifikaciju Sporazuma između Bosne i Hercegovine i Republike Litvanije o unapređenju i zaštiti investicija;
34. Davanje saglasnosti za ratifikaciju Sporazuma između Bosne i Hercegovine i Kraljevine Norveške o finansiranju projekta u korist pravosuđa i/ili sudova i tužilaštva u Bosni i Hercegovini;
35. Davanje saglasnosti za ratifikaciju Sporazuma o finansiranju – dodatno finansiranje za Projekat razvoja zajednica – između Bosne i Hercegovine i Međunarodne asocijacije za razvoj;
36. Izvještaj o učešću pripadnika Oružanih snaga, policijskih i državnih službenika Bosne i Hercegovine u operacijama podrške miru za period od 1.9.2006. do 28.2.2007.godine;
37. Informacija o stanju sigurnosti u Bosni i Hercegovini za 2006. godinu;
38. Imenovanje Nikole Pejića za člana Državne regulatorne komisije za električnu energiju (Prijedlog Vijeća ministara BiH);
39. Prijedlog izmjena Odluke o imenovanju članova Komisije za izbor generalnog revizora i zamjenika generalnog revizora Ureda za reviziju institucija BiH;
40. Imenovanje sekretara Doma naroda Parlamentarne skupštine BiH.

Ad-1. Odgovori na delegatska pitanja i delegatska pitanja

Odgovor na delegatsko pitanje, postavljeno na 7. sjednici Doma naroda, dobio je Ivo Miro Jović. Delegat se izjasnio da nije zadovoljan odgovorom.

Delegat Slobodan Šaraba postavio je sljedeće pitanje Kolegiju Doma naroda:

Šta se stvarno desilo sa Osnovnim ugovorom između Srpske pravoslavne crkve u Bosni i Hercegovini koji je usvojen na sjednici Predsjedništva BiH?

Obrazloženje:

Kada je 29.6.2007. godine Ratifikovan ugovor između Bosne i Hercegovine i Svete stolice dogovoreno je da se na prvoj narednoj sjednici Doma naroda nakon usvajanja na sjednici Predsjedništva BiH uvrsti u dnevni red ovaj Osnovni ugovor?

Delegat Ivo Miro Jović postavio je sljedeće pitanje Predsjedništvu BiH:

Tek što se uspjelo imati diplomatsko zastupanje interesa BiH na jednom kontinentu (Južna Amerika) a u isto vrijeme i u interesu velikog broja hodočasnika i sudionika vjerskog turizma u BiH (Međugorje), Predsjedništvo BiH je samo nakon godinu dana egzistiranja veleposlanstva za Južnu Ameriku donijelo odluku o gašenju ovog veleposlanstva.

Ljeto 2007. godine bila je jedina godina od rata da se na južnim granicama BiH nisu stvarale kolone autobusa turista iz navedenog područja jer su turisti mogli imati valjane putne isprave za ulazak u BiH. Čime se rukovalo Predsjedništvo BiH za ovakav nerazuman čin, i čime pravda da u isto vrijeme funkcionira sedam veleposlanstava u Arapskim zemljama.

Ad-2. Usvajanje zapisnika 6. i 7. sjednice Doma naroda;

Rasprava o ovoj tački dnevnog reda nije vođena.

Dom naroda jednoglasno je usvojio Zapisnik sa 6 i 7. sjednice Doma naroda.

Ad-3. Zahtjev Vijeća ministara BiH za razmatranje Prijedloga zakona o usvajanju Zakona o izmjenama i dopunama Zakona o krivičnom postupku BiH, po hitnom postupku u skladu s članom 122. Poslovnika Doma naroda;

Rasprava o ovoj tački dnevnog reda nije vođena.

Dom naroda jednoglasno je usvojio Zahtjev Vijeća ministara BiH za razmatranje Prijedloga zakona o usvajanju Zakona o izmjenama i dopunama Zakona o krivičnom postupku BiH po hitnom postupku, u skladu s članom 122. Poslovnika Doma naroda, nakon čega je većinom glasova Zakon usvojen.

Ad-4. Zahtjev Vijeća ministara BiH za razmatranje Prijedloga zakona o izmjenama Zakona o carinskoj tarifi BiH po hitnom postupku, u skladu s članom 122. Poslovnika Doma naroda;

U raspravi o ovoj tački dnevnog reda učestvovali su: Adem Ibrahimpašić, predstavnik predlagača, Hamdo Tinjak i Dušanka Majkić.

Dom naroda većinom glasova nije usvojio Zahtjev Vijeća ministara BiH za razmatranje Prijedloga zakona o izmjenama Zakona o carinskoj tarifi BiH po hitnom postupku, u skladu s članom 122. Poslovnika Doma naroda. Zakon će se razmatrati po skraćenom postupku u skladu s članom 121. Poslovnika Doma naroda.

Ad-5. Prijedlog zakona o izmjenama i dopunama Zakona o parničnom postupku pred Sudom BiH, drugo čitanje (primjena novog poslovnika)- predlagač: Vijeće ministara BiH;

U raspravi o ovoj tački dnevnog reda učestvovali su: Ivo Miro Jović, Zoran Koprivica, Hilmo Neimarlija, Slobodan Šaraba, Mladen Ivanić i Alma Čolo.

Dom naroda većinom glasova usvojio je Prijedlog zakona o izmjenama i dopunama Zakona o parničnom postupku pred Sudom BiH u identičnom tekstu kao i na Predstavničkom domu

Ad-6. Prijedlog zakona o izmjeni Zakona o konkurenciji BiH, drugo čitanje (primjena novog poslovnika)- predlagač: Predstavnički dom;

Rasprava o ovoj tački dnevnog reda nije vođena.

Dom naroda jednoglasno usvojio je Prijedlog zakona o izmjeni Zakona o konkurenciji BiH, čiji je predlagač Predstavnički dom.

Ad-7. Prijedlog zakona o dopunama Zakona BiH o izvršenju krivičnih sankcija, pritvora i drugih mjera, drugo čitanje – predlagač: delegat Slobodan Šaraba (primjena novog poslovnika);

U raspravi o ovoj tački dnevnog reda učestvovali su Slobodan Šaraba, pomoćnik ministra Ministarstva pravde, Mustafa Bisić.

Dom naroda većinom glasova usvojio je Izvještaj nadležne komisije koja nije prihvatila Prijedlog zakona, tako da je zakon odbijen.

Ad-8. Prijedlog zakona o izmjeni Zakona o administrativnim taksama BiH, drugo čitanje (primjena novog poslovnika) predlagač: Vijeće ministara BiH;

Rasprava o ovoj tački dnevnog reda nije vođena.

Dom naroda jednoglasno je usvojio Prijedlog zakona o administrativnim taksama BiH u identičnom tekstu kao i na Predstavničkom domu

Ad-9. Prijedlog zakona o izmjenama i dopunama Zakona o izmirenju obaveza po osnovu računa stare devizne štednje, drugo čitanje (primjena novog poslovnika) – predlagač: Vijeće ministara BiH;

U raspravi o ovoj tački dnevnog reda učestvovali su: Dušanka Majkić, Božo Rajić, Slobodan Šaraba, predstavnik predlagača, Fuad Kasumović, Ivo Miro Jović, Adem Ibrahimpašić, Alma Čolo, Rudo Vidović, Hazim Rančić, predstavnici štediša, Amila Omersoftić i Svetožar Nišić.

Dom naroda većinom glasova usvojio je Prijedlog zakona o izmjenama i dopunama Zakona o izmirenju obaveza po osnovu računa stare devizne štednje u identičnom tekstu kao i na Predstavničkom domu sa sljedećim zaključcima:

1. Obavezuje se Vijeće ministara BiH da nakon izvršene verifikacije stare devizne štednje, na predlog Ministarstva finansija i trezora BiH, utvrdi i Parlamentarnoj skupštini Bosne i Hercegovine predloži fiksni rok za otplatu duga po osnovu stare devizne štednje.
2. Zadužuje se Odjel za izradu i objavljivanje pravnih akata da, u saradnji sa predstavnikom predlagača Predloga zakona o izmjenama i dopunama Zakona o izmirenju obaveza po osnovu računa stare devizne štednje prije njegovog objavljivanja, nomotehnički uskladi usvojene amandmane.
3. Obavezuje se Vijeće ministara BiH da odmah po prijemu ovog zaključka razmotri mogućnost produženja roka za verifikaciju stare devizne štednje i utvrđen Predlog izmjena Zakona o izmirenju obaveza po osnovu računa stare devizne štednje ("Službeni glasnik BiH", broj: 28/06 i 76/06) uputi u parlamentarnu proceduru po hitnom postupku.
4. Dom naroda predlaže Predstavničkom domu Parlamentarne skupštine Bosne i Hercegovine da se formira Zajednička ad hok komisija sa zadatkom da posreduje za sporne verifikacije devizne štednje između agencija nadležnih za verifikaciju stare devizne štednje i poslovnih banaka kod kojih se nalaze podaci o položenim deviznim ulozima štediša.

U Zajedničku ad hok komisiju iz stava 2. ovog zaključka ispred Doma naroda imenuju se: Dušanka Majkić, Božo Rajić i Hazim Rančić.

Ad- 10. Prijedlog zakona o izmjenama i dopunama Zakona o Vijeću ministara BiH, prvo čitanje (primjena starog poslovnika) – predlagač: Vijeće ministara BiH;

Rasprava o ovoj tački dnevnog reda nije vođena.

Dom naroda većinom glasova usvojio je Prijedlog zakona o izmjenama i dopunama Zakona o Vijeću ministara BiH u identičnom tekstu kao i na Predstavničkom domu

Ad-11. Prijedlog zakona o sportu u Bosni i Hercegovini, prvo čitanje (primjena novog poslovnika) - predlagač Vijeće ministara BiH;

U raspravi o ovoj tački dnevnog reda učestvovali su: Ivo Miro Jović, Dušanka Majkić i predstavnik predlagača, Sredoje Nović.

Dom naroda jednoglasno je usvojio u prvom čitanju Prijedlog zakona o sportu u BiH

Ad-12. Prijedlog zakona o zaštiti planova rasporeda integriranih kola, prvo čitanje (primjena novog poslovnika) – predlagač: Vijeće ministara BiH;

Rasprava o ovoj tački dnevnog reda nije vođena.

Dom naroda jednoglasno je usvojio, u prvom čitanju Prijedlog zakona o zaštiti planova rasporeda integriranih kola

Ad- 13. Prijedlog okvirnog zakona o predškolskom odgoju i obrazovanju u Bosni i Hercegovini, prvo čitanje (primjena starog poslovnika)- predlagač: Vijeće ministara BiH;

U raspravi o ovoj tački dnevnog reda učestvovao je Ivo Miro Jović.

Dom naroda većinom glasova usvojio je Prijedlog okvirnog zakona o predškolskom odgoju i obrazovanju u Bosni i Hercegovini.

Budući da je Zakon u domovima usvojen u različitom tekstu, Dom naroda imenovao je sljedeće delegate u zajedničku komisiju za usaglašavanje teksta zakona:

- Ivo Miro Jovića
- Hilmo Neimarliju
- Dragu Ljubičića

Ad- 14. Prijedlog zakona o Agenciji za predškolsko, osnovno i srednje obrazovanje, prvo čitanje (primjena starog poslovnika) – predlagač: Vijeće ministara BiH;

U raspravi o ovoj tački dnevnog reda učestvovali su Ivo Miro Jović i Hilmo Neimarlija

Dom naroda jednoglasno je usvojio Prijedlog zakona o Agenciji za predškolsko, osnovno i srednje obrazovanje.

Budući da je Zakon u domovima usvojen u različitom tekstu, Dom naroda imenovao je sljedeće delegate u zajedničku komisiju za usaglašavanje teksta zakona:

- Ivo Miro Jovića
- Hilmo Neimarliju
- Dragu Ljubičića

Ad- 15. Prijedlog zakona o radijacijskoj i nuklearnoj sigurnosti Bosne i Hercegovine, prvo čitanje (primjena starog poslovnika) predlagač: Vijeće ministara BiH;

Rasprava o ovoj tački dnevnog reda nije vođena.

Dom naroda jednoglasno je usvojio Prijedlog zakona o radijacijskoj i nuklearnoj sigurnosti Bosne i Hercegovine.

Budući da je Zakon u domovima usvojen u različitom tekstu, Dom naroda imenovao je sljedeće delegate u zajedničku komisiju za usaglašavanje teksta zakona:

- Rudu Vidovića
- Adema Ibrahimpašića
- Zorana Koprivicu

Ad- 16. Prijedlog zakona o izmjenama Zakona o upravnom postupku, prvo čitanje (primjena novog poslovnika) predlagač: Vijeće ministara BiH;

Rasprava o ovoj tački dnevnog reda nije vođena.

Dom naroda jednoglasno je usvojio u prvom čitanju Prijedlog zakona o izmjenama Zakona o upravnom postupku.

Ad- 17. Prijedlog zakona o izmjenama i dopunama Zakona o upravnim sporovima Bosne i Hercegovine, prvo čitanje (primjena novog poslovnika) - predlagač: Vijeće ministara BiH;

Rasprava o ovoj tački dnevnog reda nije vođena.

Dom naroda jednoglasno je usvojio u prvom čitanju Prijedlog zakona o izmjenama i dopunama Zakona o upravnim sporovima Bosne i Hercegovine

Ad- 18. Prijedlog zakona o besplatnoj pravnoj pomoći u građanskim stvarima, prvo čitanje (primjena novog poslovnika) – predlagač: Vijeće ministara BiH;

Rasprava o ovoj tački dnevnog reda nije vođena.

Dom naroda jednoglasno je usvojio u prvom čitanju Prijedlog zakona o besplatnoj pravnoj pomoći u građanskim stvarima

Ad- 19. Prijedlog zakona o elektronskom pravnom i poslovnom prometu, prvo čitanje (primjena novog poslovnika) – predlagač: Vijeće ministara BiH;

Rasprava o ovoj tački dnevnog reda nije vođena.

Dom naroda jednoglasno je usvojio u prvom čitanju Prijedlog zakona o elektronskom pravnom i poslovnom prometu

Ad- 20. Prijedlog zakona o izmjenama i dopunama Zakona o ministarstvima i drugim organima uprave BiH, prvo čitanje (primjena novog poslovnika) – predlagač: Vijeće ministara BiH;

Rasprava o ovoj tački dnevnog reda nije vođena.

Dom naroda jednoglasno usvojio je u prvom čitanju Prijedlog zakona o izmjenama i dopunama Zakona o ministarstvima i drugim organima uprave BiH

Ad- 21. Izvještaj o izvršenju Budžeta institucija BiH i međunarodnih obaveza BiH za 2006. godinu;

U raspravi o ovoj tački dnevnog reda učestvovala je Dušanka Majkić.

Dom naroda jednoglasno je usvojio Izvještaj o izvršenju Budžeta institucija BiH i međunarodnih obaveza BiH za 2006. godinu sa sljedećim zaključcima:

1. Nalaže se Ministarstvu finansije i trezora BiH da preduzme neophodne mjere s ciljem unapređenja procesa planiranja, kontrole i izvršenja budžeta.
2. Nalaže se Vijeću ministara BiH da u roku od 30 dana od prijema ovog zaključka u parlamentarnu proceduru dostavi prijedlog izmjena i dopuna zakonskih propisa kojim će se regulisati:
 - Da se uravnoteženje budžeta sprovodi rebalansom, na način i po postupku za donošenje budžeta.
 - Da je Ministarstvo finansija i trezora BiH dužno polugodišnje izvještavati Parlamentarnu skupštinu Bosne i Hercegovine o donesenim odlukama za prestrukturiranje rashoda u okviru ukupnog iznosa odobrenog u budžetu za pojedinog budžetskog korisnika.
 - Da je Vijeće ministara BiH dužno tromjesečno izvještavati Parlamentarnu skupštinu Bosne i Hercegovine o upotrebi budžetske rezerve.
3. Zadužuje se Komisija za finansije i budžet Doma naroda da zbog neispunjavanja plana zapošljavanja u institucijama Bosne i Hercegovine obavi javno saslušanje u vezi s radom

Agencije za državnu službu BiH i o tome obavijesti Parlamentarnu skupštinu Bosne i Hercegovine.

Ad- 22. Razmatranje Izvještaja Ureda za reviziju institucija BiH o reviziji za 2006. godinu:

- a. Agencije za državnu službu BiH;
- b. Centralne banke BiH;
- c. Državne regulatorne komisije za električnu energiju ;
- d. Komisije za imovinske zahtjeve raseljenih lica i izbjeglica;
- e. Odbora državne službe za žalbe BiH;
- f. Agencije za rad i zapošljavanje BiH;
- g. Konkurencijskog vijeća BiH;
- h. Agencije za sigurnost hrane BiH;
- i. Arhiva BiH;
- j. Centra za uklanjanje mina BiH;
- k. Direkcije za civilno zrakoplovstvo BiH;
- l. Institucije ombudsmena za ljudska prava BiH;
- m. Agencije za javne nabavke BiH;
- n. Agencije za nadzor nad tržištem BiH;
- o. Direkcije za evropske integracije BiH;
- p. Direkcije za implementaciju projekta CIPS;
- q. Direkcije za provođenje restrukturiranja policije;
- r. Fonda za povratak BiH;
- s. Instituta za akreditiranje BiH;
- t. Parlamentarne skupštine BiH;
- u. Pravobranilaštva BiH;
- v. Suda BiH;
- w. Tužilaštva BiH;
- x. Ureda za zakonodavstvo BiH;
- y. Visokog sudskog i tužilačkog vijeća BiH;

U raspravi o ovoj tački dnevnog reda učestvovala je Dušanka Majkić, Alma Čolo, Božo Rajić, predstavnik Ureda za reviziju, Dragan Kulina i Mladen Ivanić.

Dom naroda jednoglasno je usvojio Izvještaj Ureda za reviziju institucija BiH o reviziji za 2006 godinu za sve navedene institucije sa sljedećim zaključcima:

1. Dom naroda Parlamentarne skupštine BiH javno pohvaljuje i ističe transparentnost rada, usklađenost poslovanja sa važećim zakonskim propisima i savjesno raspolaganje budžetskim sredstvima sljedećih institucija Bosne i Hercegovine:
 - Agencije za državnu službu BiH
 - Centralne banke BiH – spoljni dug
 - Državne regulatorne komisije za električnu energiju - DERK
 - Komisije za imovinske zahtjeve raseljenih lica i izbjeglica
 - Odbora državne službe za žalbe BiH.
2. Nalaže se Vijeću ministara BiH da odmah pristupi zakonskom regulisanju rada Direkcije za implementaciju projekta CIPS, odnosno rješavanju pitanja organizacije i rukovođenja Direkcijom za implementaciju projekta CIPS.
3. Zadužuje se Vijeće ministara BiH da u roku od 30 dana od dana prijema ovog zaključka sa donatorima Visokog sudskog i tužilačkog Vijeća BiH riješi pitanje tumačenja odredaba

ugovora kojim se njihove donacije isključuju iz nadležnosti Kancelarije za reviziju institucija BiH i o učinjenom obavijesti ovaj dom.

4. Dom naroda Parlamentarne skupštine Bosne i Hercegovine skreće pažnju Vijeću ministara BiH da je dužan prilikom zaključivanja ugovora sa donatorima i zajmodavcima voditi računa o odredbama člana 11. stav (2) tačka a) Zakona o reviziji institucija BiH ("Sl. glasnik BiH", broj 12/06).

Ad- 23. Informacija Ureda za razmatranje žalbi o preduzetim aktivnostima s ciljem prevladavanja problema u radu Ureda za razmatranje žalbi primjenom važećih propisa, s prijedlogom zaključka;

U raspravi o ovoj tački dnevnog reda učestvovali su: Dušanka Majkić, Alma Čolo, Božo Rajić, Hazim Rančić, Slobodan Šaraba, Amir Pilav, predstavnik Ureda za razmatranje žalbi i Mladen Ivanić.

Doma naroda jednoglasno je primio k znanju Informaciju Ureda za razmatranje žalbi o preduzetim aktivnostima s ciljem prevladavanja problema u radu Ureda za razmatranje žalbi primjenom važećih propisa, s prijedlogom zaključka; sa sljedećim zaključcima:

1. Zadužuje se Vijeće ministara BiH da u okviru svojih zakonskih nadležnosti preduzme potrebne mjere s ciljem maksimalnog ubrzanja postupka imenovanja još dva člana u Uredu za razmatranje žalbi.
2. Zadužuje se Vijeće ministara BiH da u najkraćem roku izvijesti Dom naroda šta je urađeno po tački 3. Zaključka Doma naroda sa 6. sjednice održane 29.06.07. god.
3. Dom naroda sugerira Uredu za razmatranje žalbi da se u vezi s Pravilnikom o unutrašnjoj organizaciji i preporukom Vijeća ministara BiH obrati Ustavno-pravnim komisijama oba doma s zahtjevom za autentično tuimačenje zakonskih odredbi kojima se reguliraju ova pitanja

Ad- 24. Davanje saglasnosti za ratifikaciju Sporazuma o izmjeni i pristupanju Centralnoevropskom sporazumu o slobodnoj trgovini (CEFTA 2006); predlađač: Predsjedništvo BiH;

U raspravi o ovoj tački dnevnog reda učestvovali su: Dušanka Majkić, Alma Čolo, Slobodan Šaraba i Ivo Miro Jović.

Dom naroda jednoglasno je dao saglasnost za ratifikaciju Sporazuma o izmjeni i pristupanju Centralnoevropskom sporazumu o slobodnoj trgovini (CEFTA 2006) sa sljedećim zaključkom:

Obvezuje se Vijeće ministara BiH da, u suradnji s entitetskim vladama, izradi program mjera za zaštitu domaćih proizvođača, te da program u roku od 60 dana dostavi Parlamentarnoj skupštini BiH.

Ad- 25. Zahtjev Predstavničkog doma za razmatranje Prijedloga zakona o primjeni Sporazuma o izmjeni i pristupanju Centralnoevropskom sporazumu o slobodnoj trgovini (CEFTA) po hitnom postupku, u skladu sa članom 122. Poslovnika Doma naroda;

U raspravi o ovoj tački dnevnog reda učestvovali su: Dušanka Majkić, Jerko Ivanković Lijanović, predstavnik predlažača, Adem Ibrahimpašić i Sabrija Šerifović, pomoćnik ministra u Ministarstvu vanjske trgovine i ekonomskih odnosa BiH.

Dom naroda većinom glasova nije usvojio Prijedlog zakona o primjeni Sporazuma o izmjeni i pristupanju Centralnoevropskom sporazumu o slobodnoj trgovini (CEFTA) čiji je predlađač Predstavnički dom

Ad-26 - 35. Davanje saglasnosti za ratifikaciju sporazuma i ugovora

Rasprava o ovoj tački dnevnog reda nije vođena.

Dom naroda jednoglasno je dao saglasnost za ratifikaciju svih sporazuma i ugovora iz ovih tačaka dnevnog reda.

Ad-36. Izvještaj o učešću pripadnika Oružanih snaga, policijskih i državnih službenika Bosne i Hercegovine u operacijama podrške miru za period od 1.9.2006. do 28.2.2007.godine;

Rasprava o ovoj tački dnevnog reda nije vođena.

Dom naroda jednoglasno je usvojio Izvještaj o učešću pripadnika Oružanih snaga, policijskih i državnih službenika Bosne i Hercegovine u operacijama podrške miru za period od 1.9.2006. do 28.2.2007.godine;

Ad-37. Informacija o stanju sigurnosti u Bosni i Hercegovini za 2006. godinu;

Rasprava o ovoj tački dnevnog reda nije vođena.

Dom naroda jednoglasno je primio k znanju Informaciju o stanju sigurnosti u Bosni i Hercegovini za 2006. godinu sa zaključcima koje je predložila Zajednička komisija.

Ad-38. Imenovanje Nikole Pejića za člana Državne regulatorne komisije za električnu energiju (Prijedlog Vijeća ministara BiH);

Rasprava o ovoj tački dnevnog reda nije vođena.

Dom naroda jednoglasno je imenovao Nikolu Pejića za člana Državne regulatorne komisije za električnu energiju

Ad-39. Prijedlog izmjena Odluke o imenovanju članova Komisije za izbor generalnog revizora i zamjenika generalnog revizora Ureda za reviziju institucija BiH

Rasprava o ovoj tački dnevnog reda nije vođena.

Dom naroda jednoglasno je imenovao Adema Ibrahimpašića umjesto Alme Čolo u ad-hoc komisiju za izbor generalnog revizora i zamjenika glavnog revizora Kancelarije za reviziju institucija BiH

Ad-40. Imenovanje sekretara Doma naroda Parlamentarne skupštine BiH.

Dom naroda jednoglasno je imenovao Vukoja Marina za sekretara Doma naroda Parlamentarne Skupštine BiH.

Sjednica je završena u 16,50 sati.

Sastavni dio ovog zapisnika je neautorizirani transkript 8. sjednice Doma naroda.

**v.d. SEKRETAR
DOMA NARODA**
Aljoša Čampara, s.r.

**PREDSJEDAVAJUĆI
DOMA NARODA**
Ilija Filipović, dipl.iur., s.r.